



UNIVERSITÄTS-
BIBLIOTHEK
PADERBORN

Xaverius Thaumaturgus, Panegyricum Poema

Frizon, Léonard

Burdigalae, 1684

Erudito Lectori Prospectus Operis Universi, Variis cum animadversionibus
Religionem Artemque spectantibus.

[urn:nbn:de:hbz:466:1-69047](#)

PROSPECTUS



ERUDITO LECTORI

PROSPECTUS

OPERIS UNIVERSI,

*Variis cum animadversionibus Religionem
Artemque spectantibus.*



AM tibi, Lector Erudite, suscep*ti*
operis argumentum & occasio fa-
tis ex novi generis dedicatione su-
periori apparuit. Ferdinandum
Principem intellexisti, cùm extre-
mo conflictaretur spiritu, concepto editoque
voto ex ipsis lethi faucibus valetudini restitutum,
ædem Sospitatori suo, Divo FRANCISCO
XAVERIO Indiarum Apostolo fundasse; me
istius ædis ornandæ studiosum, tabulas excogi-
tasse Principi non minùs eruditò quàm munifico
transmittendas; quibus tabulis res Apostoli præ-
cipuæ, maximèque mirabiles, poëticè expri-
mantur. Tum latiùs res easdem tractare insti-

O P E R I S:

tui : miraculorum summa capita , compluraque
eodem pertinentia decora , & virtutes planè Apo-
stolicas Thaumaturgi sum persecutus , multis af-
persis observationibus Theologicis , & sacrarum
literarum illitis frequentissimè luminibus . Quâ
de tractatione , & hujusmodi Commentariis erit
mox distinctius agendi locus . De ipsa nunc ins-
criptione materiaque operis , quoad instituti vel
necessitas , vel dignitas requirit , proloquar .

THAUMATURGUM appellavi Xaverium , cogno-
mine Gregorii illius , Neocæsariensis Antistitis
celeberrimi ; cum Prophetis & Apostolis , Ma-
gno Basilio teste , à prodigiorum crebritate ex-
cellentiaque comparati . At Xaverium , in solen-
ni ad ipsius consecrationem , & , ut ita dicam ,
Apotheosis Christianam Relatione , Franciscus-
Maria Cardinalis à Monte coram Gregorio xv.
Pontifice , sacroque Patrum Purpuratorum Se-
natū , magnificè testatus est miracula edidisse
miraculis Apostolorum simillima . Subinde Ni-
colaus Zimbeccarus , Orator Consistorialis , in
eodem augustissimo terrarum confessu , nihil fe-
cisse minus à magnis Apostolis Xaverium affir-
mavit .

Dæmones Gregorius profanis ex simulacris
humanisque corporibus ejecit : Xaverius , non

PROSPECTUS

per se modò, verùm etiam puerorum ministerio, quidvis Magistri usū sacratum inferentium, hostes Tartareos expulit. Gregorius montem ad laxandam ædificando templo aream precibus removit; paludem inter fratres dissensionis originem exsiccavit: Xaverius, ad expugnandum Tolum oppidum, quod à Christiana lege Lusitanaque ditione defecerat, suppli- citer in genua subsidens montem funditus commovit; inde excitatâ per triduum flammâ, effusaque pumicum & cinerum vi, quæ totam circâ regionem constravit, arcis editissimæ pinnas æquavit: ac coortus terræ tremor urbem ipsam disjecit; paludemque oppletam saxis, in fœdi- fragorum cladem & impiorum diffudit.

Gregorius Lyci inundationem cohibuit de- pacto ad fluminis ripam baculo: Xaverius de- fixis passim Crucibus pluvias alieno tempore elicuit in publica Indorum desperatione; bar- barorum inundantes Travancoridem copias unus minaci oratione, formaque humanam su- perante repressit ac repulit; tigridum nocturnos greges, ultro occurrens, verbo & aquâ lustrali exterminavit. Quid, quòd marinam aquam Xaverius Cruce signans in dulcem convertit, eâ copiâ quæ longum ad usum quingentis vectori-

O P E R I S.

bus suppeteret ; diversas in regiones asportata ,
salutem ægris repentinam afferret ? Quid, quòd
turbines ac procellas toties fregit ; naves jam va-
dis , jam scopulis illis aspergit ? Acciditque in
Bengalensi navigatione aliquando jaëtatis foëdâ
tempestate mercatoribus ; ut fluctus vastâ mole
in navim exarmatam & laceram irruentes, simul
atque invocatum objiciebatur Xaverii nomen ,
partim aversi in aliam partem funderentur ; par-
tim scinderentur medii , & huc atque illuc ex-
currerent innoxii ; partim in se ipsi residerent.
Cetera genere disjunctiora non commemoro ,
quæ toto operis decursu legentur miracula ; cœ-
cis, surdis, claudis , mutis , integritas facultasq;
reddita membrorum ; elephantiacis , ac quo-
cunque morbo laborantibus , sanitas ; mortuis
ipsiis vita quam sæpiissimè restituta : nec raro alia
collata in commune beneficia ; sterilitas agris,
fames oppidis , pestilentia regionibus depulsa ,
bonorumque omnis accita copia.

Quid , si fructus miraculorum spectamus ,
animorum conversiones ? quid antiquus ille
Thaumaturgus effecit multitudine prodigiorum
& præstantiâ ? Neocæsaream civitatem Chri-
sto adjunxit : quâ in urbe septendecim omnino
Christianos Episcopatum iniens repererat , in

PROSPECTUS

eadem septemdecim omnino ethnicos reliquit moriens. Quantum verò non urbium, sed gentium Xaverius Ecclesiæ adjecit! Et adhuc Sinis inhiabat! Nunquam eò certè descendisset, quò deventurum se post aliquot devictos populos Cyneæ Pyrrhus dixerat; ut quiesceret. Cum Alexandro potiùs infinitâ cupiditate, sed longè aliâ mente, necdum à se mundum perdomitum collacrymans, mirum in modum æstuabat. Nihil actum putabat, ubi aliquid supererat agendum. Donec omnia Christo subjiceret, semper ampliùs, ampliùs, summâ contentione exclamabat; nec in somnis, ardentissimâ & insatiabili curâ solutus. omnem effervescentis ambitionis impetum placidâ charitatis aviditate superavit.

Jam quantò plura majoraque, & breviori tempore Apostolus, quam *prædo ille terrarum confecit!* Indiæ superbissimus imperator vix pedem intulit; Indiam Xaverius peragravit illustravitq; victoriis; Japoniam totque alias vetustati ignotas regiones cepit, trophæisque insignivit. Ac si tam longinqua itinera Xaverii, terrâ marique obita, in se toties reflexa implexaque, connectantur atque in unam seriem tenoremque perpetuum explicentur, sanè multos orbis terrarum universi ambitus circuitusq; confecerint.

Neque

O P E R I S.

Neque expeditionem armis instructus & copiis suscepit, ut profanus ille bellator, qui mortaliū fundendo sanguine stragēm Asiā circumtulit. Hic salutem ad ultimum pertulit Orientēl *lavacro aquæ in verbo vitæ*; dux idem, & miles, & *vas castrorum*, *scutum auxilii*, *gladius glorie*; *sagitta electa* (ut Siracidæ, Mosis, Isaiæ voces adhibeam) cœlestē prorsus telum, Divinaque machina, impietatis & superstitionis vitiorumque cunctorum expugnatrix. Unus quidem Christi militibus *plus omnibus laboravit*: quantumvis delectu severo egregiis, palmaribusque viris, plus omnibus perfecit. Eductis in campum, in pulverem & solem, viam præstruxit ad victoriam; & certissima, quæ ad calcem potissimum operis tractantur, hodieque præsidia exhibet. Mille ex populis, quodque pulcherrimum genus est victoriæ, ex mentibus animisque per se suosque, *in captivitatem redactis*, *in obsequium Christi*, magnificè triumphavit. & continuo inexhaustoque palmarum immortalium proventu, magister paterque *Martyrum*, ac *novarum gentium* Novique *Orbis Apostolus*, beatissimè gloriofissimeque coronatur.

Quare cùm admirabile sit Poetæ proposi-
tum, ecquid Poematis idoneum existimari de-

i

P R O S P E C T U S

bet ac locuples argumentum , Heros Thau-
maturgus? Felix argumentum , ubi non fictione
quæritur & laboriosè invenitur , sed obvia re-
peritur & ultiro subit veritatis comes admiratio !
Tamen ipsa rerum magnitudo ne sibi officiat ,
& superbo quorundam fastidio excipiatur , non-
nihil commoveor. *Quæ sibi quisque facilia factu*
putat , æquo animo accipit : supra ea , veluti ficta pro
falsis dicit. ex Sallustiana sententia ; quam epist.
III. ad Volusianum refert Augustinus , ex parte
immutatam : *Quæ sibi quisque facilia non factu , sed*
captu putat &c. At vim metiri Divinam infir-
mitate humanâ vel agendi , vel intelligendi , &
miraculis generatim fidem abrogare , insolent-
issimæ fuerit perditissimæque insaniæ . Non le-
viter quidem ac temere quibuslibet credi ru-
musculis velim : sed ubi notata personis , signa-
ta temporibus , distincta locis , autoritatibus ac
testimoniis omni exceptione majoribus com-
munita proponuntur ; ea qui neget atque explo-
dat , næ is impudenter faciat & improbè , nec
apud cordatos piosque homines profanæ cen-
suram peruicaciæ defugiat.

Xaveriana autem , quæ profero , istiusmodi
miracula sunt: Joannis III. Regis Lusitani jussu,
datisque ad Franciscum Barretum Indiæ Præ-

O P E R I S.

torem litteris, accuratè & religiosè concusita,
omnibusque vestigiis indagata ; crebris fidéque
dignis testibus legitimè probata ; in tabulas pu-
blicas rectè atque ordine relata , Proregis chi-
rographo annuloque obsignata , in Lusitaniam
venerunt. Inde Romam transmissa, & ad severi-
ssimum examen vocata, ut assolet ; discussa, ex-
pensa , confirmata à Rotæ Auditoribus, à Sa-
crorum Rituum Congregatione , toto sunt orbe
celebrata. Quis consentienti bonorum omnium
sapientiumque voci, iniquissimus rerum æstima-
tor , obstrepere audeat ? aut quis non impieta-
tis labem , si indignissimâ calumniâ tenebras
tam illustri famæ gloriæque Xaverianæ offun-
dere moliatur , non perhorrescat ? Quò tamen
progredi hominum (si homines appellandi sunt)
lumini rebellium furor non possit , cùm ipsius
Christi miracula, immanni inexpabilique sacri-
legio, Judæi Scribæ ac Pharisæi in magicas
artes rejecerint ?

Atenim de miraculis non vacat , nec verò
opus est , longam instituere disputationem :
de quibus jamdiu cùm alii , tum sapientissimus
Theologus in libro de Providentia Numinis ,
atque in Consultatione , quæ Fides & Religio
sit capeſſenda, Leonardus Lessius universè scrip-

iiij

PROSPECTUS

sit: de Xaverii speciatim miraculis, haud ita pridem, eorundem ex historia disertissimi Bartoli Italicâ collector interpresque Gallicus, à recentissimo elegantissimoque scriptore Vitæ Xaverianæ meritò laudatus. Et ipse non uno loco attigi, quæ valeant ad faciendam hujuscemodi prodigiis fidem. primum, ubi hominem sepulchro effosso coram infidelium multitudine in oppido Colano excitatum, ad probandam Christianæ Religionis veritatem, comemoro. deinde, ubi P. Marcelli Mastrilli, & stirpe nobilissimi & virtute, sanationem moribundi expono repentinam, & multiplici insig- nem miraculo: quod ætate nostrâ, in oculis propè nostris editum Neapoli anno MDC XXXIV. longinqua & vetera confirmat miracula: præsertim cum restitutam Mastrillo salutem consecuta plurima sint, nec minus admiranda, & clarissimo demum cumulata consecrataq; martyrio. Atque hæc ego, splendida totidem Xaverii beneficia, narratione satis amplâ certissimaque pertexo.

Supparem huic Marcellæ sanationem ægri jam conclamati vidit & stupuit urbs Marchiæ Anconitanæ Macerata, an. MDCLVIII. Alexandri Philippucii è Societate Iesu. Diro & me-

O P E R I S.

dicis incognito morbi genere jam sesquiannum
conflictatus acerbissimè pius juvenis, ad S. Fran-
ciscum Xaverium suppliciter confugerat. Post
multas preces votumque suscepimus, audiit P.
Mastrillum cuiquam, certum à Sancto Indiarum
Apostolo munus expetenti, autorem fuisse, ut
novendiali cultu præverteret quartum Idus Mar-
tias, quo die beatissimus ille vir fuisset albo San-
ctorum adscriptus: eo cultu adhibito, suppli-
cem optato potum; eandemque pietatis exer-
citationem à multis, etiam in urbe Macerata,
esse feliciter usurpatam. Id verò ægrotus indi-
catum studiosè arripuit; nec frustra. Ipso illo,
quo novendialis religio terminabatur, anniver-
sario Xaverianæ Canonizationis, ut vocant,
die, inter spectandam effigiem opemque Patro-
ni benignissimi & potentissimi invocandam,
repente gravissimo incommodo liberatus est,
Sanctique admotis sibi reliquiis continuò per-
fanatus.

Miraculi sparsâ per urbem famâ ingens ad
visendum Philippicum concursus factus; ma-
ximè omnium demirantibus, à quibus æger de-
stitutus ex desperatione fuerat, medicis; rémq;
arte suâ, & omni humanâ vi superiorem, jure-
jurando affirmantibus. Et qui decumbentem

PROSPECTUS

Alexandrum gravi sensu commiserationis vide-
rat Episcopus Maceratensis; mirificè jam sani-
tati redditum, officiosis ipse litteris gratulans
Præposito Societatis Generali nuntiavit. Tum
Philippucius quâ luce manè acerbitatem dolorū
summam tulerat, eadem luce ante meridiē can-
didatus expeditè alacriterque ministravit solen-
ni ad gratiarū actionem sacro; cui & provinciæ
gubernator, & civitatis ordines universi adfue-
runt. Mox beneficii tanti memoriam perpetuam
præsentissimamque exhibitus, pro Alexandro
Franciscum Xaverium nominari se voluit: gra-
tioremque animum generosâ imitatione præsti-
turus, Indicam depoposcit iniítque expeditio-
nem.

Sed ante suum in Indiam discessum, Ro-
mam profectus, virum omnium complexione
doctrinarum excellentem consummatumque
adiit Petrum Possinum, Societatis Historicum;
egitque cum eo, Xaverianas ut epistolas, si
quas necdum publicas Romanum haberet tabu-
larium, faceret Latinas, sacrasque hujusmodi
reliquias vulgaret. Omnia perscrutatus, & qui-
nas tantum nactus ineditas Possinus, cum im-
parem novæ editioni paucitatem ostenderet
Philippucio; recepit hic, alias è Lusitania, ubi

O P E R I S.

asservari didicerat, litteras Apostoli exscriptas primo quoque tempore sese missurum. Idque strenuè curavit ; nec Olyssipone modò , sed Goa subinde , postea Macao , alias atque alias Romam transmisit , unde Novarum S. Franc. Xaverii epistolarum copiosiorem adornavit editionem Possinus : quod ipse narrat epistola Xaverianis præfixa. Autoris hæ quidem sui litteræ cœlestem sapientiā referunt , charitatem exprimunt verè Apostolicam : sed potentiam quoque nunc sonare dicas , miraculum testificari , cuius occasione collectæ , versæ , excusæ fuerint. At uni , quamvis recenti illustrique signo quid immorari necesse est , atque inde commendationem argumenti mei ducere , cùm Xaverius ubique terrarum novis maximisque fulgeat miraculis ? ut canit Ecclesia. Neque diffitentur vel hæretici quidam scriptores , quorum dicta subjiciuntur pleniùs , Operum Historicorum parte quartadecimâ : & sponte agnoscunt (quæ verba unius ex illis repræsento) de hoc viro sancto , virtutibus ejus & mirabilibus , omnes recentes Indorum historias testari.

Constat ergo sua rebus tractandis veritas. At verisimilitudo, inquis, Poetæ quærenda, non veritas est , Aristoteli si creditur : & in sacrarum

PROSPECTUS

quidem litterarum monumentis verissima omnina, veritatis multa nequaquam speciem habere coloremque, à nonnullis fuit Christianis Poeticæ magistris observatum. Atqui vulgare istud præjudicium à me jamdiu profligatum esse confido, & in Præfatione Operum Poeticorum, & uberiùs in libris de Poemate, quibus Artis Poeticæ usus familiaris & Christianus continetur. Quid? superioribus de Xaverio, ipsiusq; miraculorum celebritate nihilne sumus affecuti? Age nunc (summatim ut aliquid reponam;) absurdā & impia veterum commenta, fœde inter se pugnantibus fabulis & immanissimis portentis ab hominum sensu longè abhorrentia, ob vulgi tamen iis temporibus errorem probabilia ducebantur: & Christianæ mysteria Religionis, à tot jam seculis constituta, purissimis naturæ luminibus consentanea, sanctissimis institutis fundata, extraordinariis vaticinationum eventis illustrata, martyriis firmata innumeris antiquis perennibusque sancta miraculis, unum idemque in hac causa existimantibus cum populo sapientibus, probabilia non habeantur? Itidem quidquid huic sacrorum tanquā capitī conexum aptumque cernitur, & autoritate legitimâ receptum; quanquam vel more solito, vel captu

O P E R I S.

captu mortalium superius; at iis, quæ docti à principio sumus, quib[us]que fides Catholica ntitur, sanè facilius & humanæ intelligentiæ proprius, credibile non videbitur? An verò Xavriana quisquam hujusmodi negabit extitisse miracula; ad mysteriorum persuasionem, ad gentium conversionem, ut in Ecclesiæ primordiis, frequentata; & utrumque per orbem deinceps, non solum famâ, sed experientiâ quoque perulgata? *Nomen ejus honorabile apud omnes gentes*: prout effatus in Pontificio Canonizationis instrumento Urbanus est. atque ut priùs in Relatione consistorianâ asseruerat Cardinalis à Monte; *Nulla natio est in Orbe Christiano, quæ Xavarium eximiè sanctum non prædicet.*

Scitè Arrianus l. v. de Alexandri expeditione; quæ incredibilia sint, ea mentione adjectâ Numinis credibilia apparere. Jovem tu mihi tamen, aut alium ex illa inanium deorum faragine obsoletâ, cave ad conciliandam eventui inusitato fidem producas.

Quodcumque ostendis mihi sic, incredulus odi;
& mecum, quisquis verè Christianum sapit.
Talibus nugæ scilicet canuntur & ineptiæ, in re joculari tolerabiles fortasse; in serio utique negotio, ridiculæ prorsus, ne quid gravius dicam.

6

PROSPECTUS

At Xaverio , mirifica ut gerat , non Deus è *ma-*
china vanus & scenicus adeſt : adeſt unicè ve-
rus , & mirabilis Deus in Sanctis suis ; qui & ido-
neum fecit Ministrum Novi Testamenti , & Christi
numine Thaumaturgum. Quid Christi non di-
tioni obnoxium , potentiae non expeditum ?
Xaverius Omnipotentis nomine dæmonia ejecit ,
linguis locutus est novis &c. Domino cooperante , &
sermonem confirmante sequentibus signis.

Quòd si quis fortè urgeat & pugnet contu-
maciter litigiosus , facta in poema non quadra-
re ; opus esse fictione : quo certius in poeticis
judice , quām Aristotele ; quo plausibilius teste ,
quām Marone revincatur ? At Philosophus ita
censet ; nihil vetare , quominus is qui facta ve-
risimilia tractet , horum nomine Poeta sit. Neq;
illa movere nos debent , quae occinuntur infa-
mis Petronii , de ambagibus deorumque mini-
steriis , & fabuloſo ſententiarum tormento , ve-
luti oracula . (Præceptum , ac pro exemplo sub-
iectum Specimen Belli Civilis , excuſſi in libris
jam indicatis de Artis Poeticæ uſu familiari &
Christiano :) neminem , inquam , movere illa
debent , cùm audiamus contrà Virgilium in
opere abſolutiſſimo profitentem ; Non hic te car-
mine ficto , atque per ambages... tenebo . Sed fabulæ

O P E R I S.

vocabulo fictionisque abutuntur non pauci, & utranque cum re falsâ confundunt: quarum ego vocum ambarum justam in Poetica notio-
nem informavi.

Accedit ad ista autoritatis præsidia rationis certissimum firmamentum. Nam commentum, quæso, in poemate cur adhibetur, nisi ut, quam nuda materies non suppeditat, admirabilitatem præbeat machina? Cùm itaque rei innata magnitudo sese offert, atque, ut Ambrosius loquitur, major ambitioso eloquentiæ mendacio simplex veritatis fides; quid aut necesse est, aut poesi quid convenit, Petronianas ambages fabulosa-
que tormenta exquirere? Crescit omnino splen-
descitque, non deteritur, veritate admirabilitas. Fabulæ demum & fictioni cuilibet, Epicæ qui-
dem, subesse quasi fundum veritatis oportere, constat ex Poeticæ Doctorum communi proba-
tissimaque sententia. Idque potissimum genere in Panegyrico valet; ubi extructa laudum alti-
tudo, caduca ludibrioque proposita est, nisi ve-
ris subnitatur laudati virtutibus, operumq; mag-
norum solido fundamento.

Hic ego aptius de Xaverio, quam de Trajano Plinius, usurparim: *Quæ tam Poetica, & quam
quam in verissimis rebus tam fabulosa materia?*
o ij

PROSPECTUS

Non dico, ut autor subjungit elegantissimus,
immissa terris nova flumina, novos pontes fluminibus injectos; sed repentinam in summâ siccitate
imbrium vim cœlo excitam, montium venis
& faucibus evocata incendia; motas tremen-
tesque terras, pacata & strata maria; illic con-
citatas, hîc compositas tempestates: Virum jam
formâ Gigantis exaggeratum; jam elatum so-
lo, adminiculo nullo suspensum, radiis circum-
fusum; jam hostium armata infestaque agmina
cœlesti specie disturbantem. Quid fugata in-
ferna monstra? quid ægri passim lectulis, de-
mortui pheretris & sepulchris excitati? Adde
corporis incorrupti spectatissimas exequias,
pompasque in funus triumphales; adde suppli-
cationes urbium; atque ex publico sensu pieta-
tis, aut etiam salute receptâ, clientium popu-
lorum Liberatori Patronoq; suo festas gratulatio-
nes. Parùmne hæc, amabo, seges poetica? satíne
jucunda miraq; varietas? Nec verò admirabilior
videbitur homini attento & prudenti Xaverius,
procellas tranquillans, quàm naufragus in tabu-
la; mortuos excitans, quàm ipse moriens. He-
ros ubique ac Thaumaturgus.

Hactenus de materiæ probabilitate ac digni-
tate: par utinam opus, rerum certè copiâ præ-

O P E R I S.

stantiaque non usquequaque indignum , extiterit ! Magnitudine quidem par nullum poema extulit panegyricum antiquitas ; nec posterior ætas , certè de Indiarum laudatissimo Apostolo , tantum edidit . At inde operis neutiquam pente-
tenda æstimatio . Ad formam igitur quod atti-
net ; cuncta poeticè tractantur sic , ut neque
fictio veritati , nec suavitati quidquam veritas
detrahat . Quæ præcipua in antiquis hujusce ge-
neris operibus inventa numerantur , hîc aut re-
perita sunt , & argumento infixâ , sponte efflo-
ruerunt ; aut illa quidem adscita varie , non ma-
chinis tamen contorta , sed mollissimè adducta
compârent .

Ecquid solerter à profanis excogitata repu-
tantur , præsaga multiformiaque somnia ? Ob-
jiciuntur sopito , sed nunquam animis jacenti
Xaverio , terrarum undarumque tractus immensi ,
gentes innumeræ , portenta periculaque infini-
ta . His interim visis immanibus non interrita
modò , verùm etiam incitata fortitudo , labores
doloresque amplius ampliusque appetit & pro-
vocat . Quæ poetica magis vel inventio , vel ora-
tio , quàm Sibyllæ vaticinatio apud Tibullum ,
apud Virgilium , bella , horrida bella , & Thy-
brin multo spumantem sanguine cernentis ? At

PROSPECTUS

Xaverius animo longissimè excurrens , arcano visu navale prælium spectat ; votisque à se accersitam Lusitanæ classi ex Acena victoriam , dum in templo Malacæ dicit ad populum , figuratè penitusque poeticè describit , ac propheticè nuntiat obstupefactæ concioni . Atq; hæc in specimen libata sufficiant . diffusa namque in omnē panegyrici partē istiusmodi sunt miracula , & inter se nexa : quæ ut suapte naturâ fortasse artificem , divinaq; vi erexerunt ; ita spectatorem ipsā specie suā facile corripiant , tantæq; intentum pulchritudini defigant .

Aliæ occurrabant perpetui contextūs rationes ac viæ (& aliquas in Poeticā jampridem indicavi :) sed eam delegi formam , quæ Xaverianorum plurimas & clarissimas partes operum exprimeret . Nam Ferdinandus à me ita celebratur ; ut quemadmodum fundatoris in æde sacrâ & opere muto insignia disponuntur , sic laudes poemati , & picturæ , ut vocant , loquenti intexantur . Non hæreo in ædificatione quamvis lauta & splendida crescentis assidue molis : ut accipio ex R. P. Theodoro Beteo , Collegii Academiæque Paderbornensis Rectore ; cuius ego h̄umanissimis litteris & alia sum edoctus ad Ferdinandi Principis gloriā scitu dignissima . Xa-

O P E R I S.

verium ipsum, ædi ornamentū suæ induco (quid enim aut congruentius aut illustrius poterat inveniri?) lectissimas Apostoli res Iconibus effinxii: Basilicam hujuscemodi apparatu distinctam, propriis poeticisque formis decorabo. Scena multiplex & magnifica, quæ sacros parietes convestit,

Admiranda tibi gravium spectacula rerum,
quisquis hic piè curiosos intedes oculos, exponet. *Vt pictura, Poesis erit.* Et tali Virgilius ornatu Carthaginense templum descriptis. At ego non simplices tabulas instruxi: certa paria tabularum, præter Furstenbergicam unam, & singularem, Paderbornensi templo appendi; seu rerum, ac miraculorum, sibi pro similitudine partim concinentium, partim ex oppositione alludentium imagines: nisi quòd voces geminas, & ipsas tamen sanè mirificas rerum notas amplissimarum, efferentem Xaverium in principio constitui. Omnia denique sic informata sunt, ut ea qui perleget oculis haud profanis & ineruditis, non *animum picturâ pascat inani.*

Poeticis Iconibus quindecim respondent Commentarii totidem, quorum plerique instar librorum habent; non de Poematis forma versibusque conscripti, quales vulgo appellantur.

OBORIUS

P R O S P E C T U S

tur in opera veterum autorum conditi ad difficultatum enodationem ; sed materiæ Poemati subjectæ , historiæque Commentarii ; quo nomine libros habemus Cæsaris , nudos & venustos ex Tulliano judicio. Equidem venustos perinde meos optarim ; aut, quod majus est , dignitate præditos : nudos certè haud volui *Commentarios rerum , omni ornatu orationis tanquam ueste detractâ.* Neque id scriptionis genus & nomen solummodò nudæ rerum positioni congruere , declarat M. Seneca l. controvers. iii. quódque in dialogo de Claris Oratoribus ait Cicero ; L. Crassi *contra Domitium non est oratio, sed quasi capita rerum , & orationis commentarium paulò plenius* ; idem non incommodè censatur de singulis nostris in D. Xaverium operibus.

Materiem & tanquam solum historia substernit ; cui passim aliquid operis panegyrici inædificatur : ac mera sæpe explicat se narratio historicæ. Parcè profana in comparationem & ornatum adhibui ; sacra ex Divinis Ecclesiasticis que monumentis, largè & variè. Singulis etiam partibus sententiam ex alterutra sancti fœderis pagina præscripsi : quo lemmate persona ferè aut exprimitur aut indicatur ex novo priscové Testamento

O P E R I S.

Testamento illustris , quicum Xaverius compa-
ratur. et si non tam personas , quām res gestas
comparo. Nec offensioni debet esse laudatio-
nis hæc ratio ; cùm Gregorius (de quo antè
dixi) Prophetis , ac Mosi nominatim , & Apo-
stolis fuerit compositus. Gregorio certè , ut de-
monstravi , copiâ excellentiâque miraculorum
non impar Xaverius , verè Thaumaturgus me-
ritoque cognominatus , & Indiarum Apostolus ,
ac *spiritu Prophetiae* , (quod agnoscit Ecclesia)
toto orbe conspicuus ; haud temere profectò , nec
injuriâ cùm Prophetis & Apostolis confertur :
strictim quidem & obiter cum multis ; cum
aliis pleniùs , Mose præsertim & Paulo.

Eliam in primis selegi , parallelum (si verbo
maximè proprio uti conceditur) à flagrantissi-
mo Divinæ gloria studio , & operum naturam
superantium effectione clarissimā. Unde ampli-
ficatus in mirabilibus suis dicitur à Sapiente in elo-
gio illo quod Ecclesiastici c. XLVIII. consigna-
tum , distributè sum persecutus. De hoc insti-
tuto meo plura suo loco , peculiari ad Commen-
tarios præfatione : hīc satis ad tanti Vatis præco-
nium fuerit , annotasse ; quòd in celebri Judæo-
rum Hierosolymitarum ad Joannem legatione ,
ubi est à Christo discessum , quem se esse Bapti-

PROSPECTUS

sta pernegavit , proxima in Eliam percunctatio incubuerit : & idem , quo major non surrexit inter natos mulierum , Domini Præcursor ab Angelo fuerit Eliæ spiritu & virtute commendatus ; à Domino , Eliæ nomine insignitus : quodque verus ipse Christus pro Elia sit putatus & celebratus.

Eliæ Elisæum , propter adductas loco jam signato rationes , adjunxi . Verum , quoniam Eliæus magistro fuit ex Divino jussu Propheta substitutus , & spiritu magistri completus ; cum eo Mastrillum in hac parte , Xaverio quasi Eliæ subrogatum , alicubi perpaucis confero . Miraculis autem Prophetæ geminus utrique Xaverius ; aut sicuti forte dissimilis , at dispar vix usquam conspicitur . His ergo aliisque ex universa Scriptura , & aliquot ex historia Ecclesiastica heroibus componitur Xaverius . Est enim , quod ex Ciceroniano didicimus Antonio , *cum ceteris præstantibus viris comparatio in laudatione præclaræ neque hîc invidiosa ; quandoquidem , sicuti antè sum professus , cœlestium inter se virorum non merita comparo , sed facta .*

Non tamen in Xaverii prodigiis unicè mea versatur commentatio ; ni prodigia numerentur opera Thaumaturgi omnia . Nimirum

O P E R I S.

ejus *virtutes heroicas*, *heroica opera gravissime* di-
xit haud semel à me laudatus Cardinalis; qui
sacræ Rituum Congregationi Præfектus, de
Xaverio Sanctis adscribendo, post causam diu
multumque agitatam & sapientissimè recogni-
tam, ad Pontificem Maximum & supremum
Ecclesiæ Senatum retulit. Cujus in sententiam
ivit, nisi potius præiisse dicendus est orbis ter-
rarum universus; & unanimi consensu agnovit,
justaque admiratione prosecutus est planè heroi-
ca Xaverii facinora. Tales ego tantasque Apo-
stolicarum virtutum actiones, Xaverianis con-
junctas prodigiis & individuas, totis passim
commentariis pertracto, extremis potissimè:
ubi, occasione fundatæ à Principe Ferdinando
ad Sinas & Japones missionis, Evangelici ope-
rarii formam propono, imaginem Xaverii, qui
miraculis omnibus, quæ fecit, majus ipse exti-
tit miraculum.

Principio consilium mihi fuerat, Lector Eru-
dite, singulas Poematis Icones brevi explica-
tione materiæ, quæ hujuscemodi tabulis am-
bitur, cum aliqua insigni comparatione illustra-
re. Sed ipsa statim argumenti benignitate cap-
tus, sensimque proiectus, nec tamen inconsi-
deratè, specimen dedi, quid fieri in hoc genere
iiij

PROSPECTUS

posset. Denique tractationem aliquantò libera-
liorem primi capit is excusavi ad finem , si cui
fortè in trita commentariorum significatione
consistenti viderer modum excessisse. non id si-
ne autoritate exemploque commissum ; facere
mecum locis variis Sanctos Patres , dum sacras
literas explanant quadam orationis ubertate &
lætitia.

Verum,nec,uti jam commonstravi, necessaria
fuit excusatio apud rectè intelligentes ; nec illa
contractio, quam mihi in capita reliqua præscri-
pferam ob angustiam temporis & iniquitatem.
Videlicet insperata Deus nobis otia fecit; non
ut singulis immorarer concinnandis , sed plura
ut festinatò procuderem. Per varios identidem
casus , & importunas editioni , non scriptioni
moras , quæpiam molitæ difficultates , circa to-
tum hoc negotiū Providentiæ ductu suavissimo.
Itaque illam mihi à me brevitatis legem indi-
ctam , in proximi tantùm capit is parte priori ,
& iterum alibi servandam sensi : in ceteris usus
opportunitate, sumnum cujusq; partis argumen-
tum locupletavi rerum accessione plurimarum ,
eodèm spectantium. quæ tamen cùm inæqualis
abundantia sit , idcirco etiam capitum impar
habitus ; quemadmodum & iconis morum in

O P E R I S.

Poemate : sed permulta ubique rerum & dignitas & varietas. Audiendus verò Plinius est consularis ; qui de suis agens operibus , hoc statuit. *Sapiens subtilisque lector debet non diversis conferre diversa , sed singula expendere ; nec deterius alio putare , quod est in suo genere perfectum.*

Theologicos historicosq; duntaxat commentarios inscribendo , principales & ubique fusas partes , ratione præsertim habitâ materiæ , designaram ; in generali tamen inscriptione , oratoriæ partim formæ indicium addidi. Theologiæ autem mentio hîc solam non innuit rerum tractationem Divinarum , sed etiam usum Divinæ Scripturæ perpetuum. Neque est , quòd aut rudiores hujus majestate nominis deterreantur ; cùm omnia capere queant vel modicè eruditi , quantum sit satis ad uberem animi ingenii que fructum , & conjunctam pietate voluptatem : aut quòd delicatuli homines , tanquam inelegantiae ac barbariae in loquendo confessione & denuntiatione aversi , fastidiosius commentationem hujusmodi respuant. Quantam res piæ vel suscipiant vel pariant suavitatem , non uno in libro disputavi : hoc quidem loco tantum opponam ; fuisse interdum à Cicerone adhibita superstitutionis vocabula antiqua & horrida ; nec vi-

PROSPECTUS

tio dari scriptoribus artium , si suæ quisque professionis familiaria propriaque usurpet verba : nedum orationem corrupti & sordescere conceptis octo decémve , minus Latinis fortasse vocibus ; quas & sapientissimi politissimique autores frequentarint , & ipse Religionis usus consecravit.

Cetera dictio ex Tullii ac Virgilii fontibus ita derivata est , ut nonnihil ex aliis principibus Latinitatis sciens volensque admiscuerim . Nihil quidem obsoleti , aut parum candidi ; nihil peregrini , aut alieni (iis , quæ identidem autoritatis maximè causâ notavi , exceptis .) Nam et si viderem Xaverianis de rebus multa elocutionis lumina ex Masseo sumpta à Tursellino , plura ex utroque ab Orlandino ; tantumdem mihi ipse non permisi : in eoque elaboravi ; ut cum priores illi optima jam occupasse viderentur , aliter ego dicendo haud pessimè dicerem ; ac viam cum iis contendendi aperirem , quibuscum esset honestius certare , quam plerosque alios vincere . Sin aliquid Criticorum veterum legibus repugnare , aut recentium quorundam observationibus videbitur ; videlicet novam in Criticos Disquisitionem , Furstenbergianorum nostrom libris quatuor præfixam : & in Poeticā ,

O P E R I S.

Dissertationes singulas de singulis dotibus narrationis, ac librum tertium de Dictione: ubi crebræ circa historicam quoque, & oratoriæ facultatem animadversiones. Jam quòd versus aliquot interposui commentariis ; id & probat, & facit in philosophicis oratoriis que Tullius non infrequenter, ad scitis insertisque versibus, etiam ex poetis non bellissimis.

Quid supereft, in hac parte quod admoneam te, Lector? Indiam, strictè modò propriéque, modò latè atque ex usu communi à me usurpatam & in carmine & in solutâ oratione. Tum, quod aliis usui possit esse, Mastrillum à me nominatum, quem scriptorum nonnemo perpetram Mastrillum ; sed, ut scripsi, nominandum omnino, ex autoritate certissima & cœlesti oraculo D. Franc. Xavetii, cùm ægro moribundoq; verba præivit religiosæ formulæ votorum. Nec abs re fuerit observare de Sancto eodem Apostolo, cùm sæpe eo tempore se ipse nominarit, semper Franciscum Xaverium conjunctè appellasse. Cujus moris ecquid ratio in precibus Ecclesiasticis haberi debeat, videant quos talium cura spectat, cùm suam Apostolus videatur significasse voluntatem. Quod illi non singulare acciderit. Sanctorum quippe Joannis Chry-

P R O S P E C T U S

sostomi, Petri Cœlestini, Petri Nolasci &c. sa-
cris in orationibus cognomenta exprimuntur.

Ad extremum sic habeto, Lector Candide,
mihi in hoc opere nequaquam propositum
fuisse, ut facta Xaveriana complecterer omnia,
quæ sunt infinita. Et verò ita non ambitiosè ab
historicis nostris conscripta sunt, nullum ut ejus
de vita editum legerim librum, in quo extent
cūcta vel miracula splendidissima, quæ diploma-
te sunt Canonizationis Indici Apostoli consig-
nata. Ex hac ego Bulla præsertim, atque ex
Relatione facta in Consistorio, & Oratione ibi-
dem habita, quas crebrò in testimonium addu-
xi; deinde ex vita à Tursellino scripta, & sparsim
frustatimque ab Orlandino relata (ut superiora
quædam monumenta, minus copiosa, taceam;) ac
demum ex amplissima Bartoli historia, cui
postiores vitæ Xaverianæ inhæserunt scripto-
res, materiem narrationum mearum adusque
Xaverii mortem duxi: & post huma quædam
miracula, aliaq; superiori spectata seculo de-
cora indidem accepi. Nam recentiora quæ hanc
nobilitarunt ætatem prodigia, aliunde publicis
ex actis petii; quæque huic agnata regioni sunt
Xaveriani honoris incrementa, externis ac po-
steris oculatus gratisque piorum ac perennium
donorum

O P E R I S.

donorum testis rite promulgo. Quòd si quid recentibus historicis aliquā in parte dissentaneum à me refertur ad majorem D. Xaverii gloriam; id verò certis & rationibus & autoritatibus niti-
tur: & comprobari dilucidè posset, si quem hæc universa præfatio modum exigit, patere-
tur. Sed ipsâ expositione res acriter intuenti pa-
tebit: ex. c. locus, ubi navis ruinosa, quæ san-
ctum incorruptumque Apostoli corpus Malacâ
advexerat; mirificæ beneficio sarcinæ, & quasi
vecturæ pretio, tempestatum scopulorumque
victrix, jam reddito sacro pignore ultro subsi-
dens in ipso portu demersa est.

*Quàm multos scriptores rerum suarum Magnus
ille habuit! ut hoc Ciceronianum de Alexandro
dictum in melius convertam. Et hic quidem
laudatoribus circumfluens, at justæ solidæque
laudis ignarus, Achillem fortunatum Homeri-
co virtutis præconio exclamavit. Me verò bea-
tum ipse prædicarim, ad Xaverium Thauma-
turgum admissus, poematis commentariisque
multiplicis argumentum: qui fabulosam, vano-
rumque miratricem facinorum antiquitatem
longè superavit, verè heroicâ fortitudine cete-
rarumque virtutum clarus insignibus... Denique
minus est quod illa finxit quàm quod iste gessit.*

†

PROSPECTUS OPERIS.

ut appositi inquit Ambrosius de Abrahamo :
cujus benedictionem Patriarchæ Dominus spiritua-
liter elargitus Xaverio, ab Urbano dicitur Pon-
tice ; ut multarum gentium pater efficeretur ; &
filios , quos CHRISTO IESV genuerat , super
stellas cœli , & super arenam , que est in littore
maris , multiplicatos videret INDIARVM
APOSTOLVS.

